


President Russell M. Nelson ne Kasaa



Ber a Yebɔmu Kɔ Kan no

Nsewufo no ne nsensin: Woyii President Nelson sii ho de Jesus Christ N'asɔr a ɔwo ho ma Nda a Odzi Ekyir Ahotseweefo no ne President a otsia 17 wo Sanda 14, 2018 mu no, aka dem nsem yi wo dawurbo a ofi Salt Lake Temple no ntuaɔo no mu too bagua mu wo Sanda 16, 2018 mu. Ɔasere de wotsintsim ne nsem no wo krataa yi mu.

Mo nuanom adɔfo na me nkyerɛbaa, ahobɛradze mu na menye hom wo ha anapa yi. Nda anan a abesɛn yi na yɛkɛpɛɛ obarimba okatakɛyi, Nyan-kopɔn no nkɔnhyɛnyi—President Thomas S. Monson kura-bew. Nsenfua dodow biara nnkotum akyerɛ n'abrabo ne keseyɛ anaa no krɔnee. Hɛn anyɛnkoyɛ na dza okyerɛskyerɛ me ho nkae no beyɛ me enyiso daapem. Sesei otwar de yɛdze gyedzi a odzi mu wo Ewuradze Jesus Christ a, Asɔr yi yɛ Ne dze no, hwe ndaamba kwan.

Nda ebien a abesɛn no, Asomafo atseafo no nyina hyiaa mu wo Salt Lake Temple abansor. Hɔn nyina sii egyptinae kor de, odzi kan, wobɛhyehyɛ President a Odzi Kan na n'Apamfo no fofor sesei na, otsia ebien, de monsom de Asɔr no ne President. Nsem nnkotum aka akyerɛ hom nkɔ-tse a minyae ber a m'Enuanom—Enuanom a wokitsa asofodzi nsaafɛ nyina a wodua Nkɔnhyɛnyi Joseph Smith do dze saan ananmu baa wo berano yi mu no—dze hɔn nsa guu me tsir do na woyii me sii ho na wɔhyɛ me Asɔr no ne President. Nna ɔye ahobɛradze sɔahu krɔnkrɔn.

Nkyii obeyɛ m'asodzii de mohwehwe hɔn a Ewuradze esiesie hɔn de wɔmbeyɛ m'apamfo no. Mibesi den asan mu eyi Asomafo Duebien no a, modɔ hɔn mu kor biara ara yie

no, hɔn mu ebien per? Ɔye me enyiso ara yie de Ewuradze tsiei mo ntɔsɛrɛ mpaabo. Meda President Dallin Harris Oaks na President Henry Bennion Eyring ase papaapa de woɛnya pɛ de wɔnye me bosom de Ɔpamfo a Odzi Kan na Ɔpamfo a Otsia Ebien. President Dieter F. Uchtdorf asan ko n'ananmu wo Asomafo Duebien no hɔn Quorum no mu. Seisei mpo oɛnya dwumadzi tsitsir a ɔsɛ fata ɔnoara ara yie.

Mekamfo ɔno na President Eyring wo hɔn som nwanwa a wɔdze soom de apamfo maa President Monson. Woe-tu hɔnho esi ho dze nkenyan asom ara yie. Yɛkyerɛ hɛn enyiso ma hɔn. Hɔn mu kor biara pɛ de ɔsom bea a wohia no tsitsir.

De ɔye Ɔsomafo panyin abedzi ekyir no, President Oak beyɛ Asomafo Duebien no hɔn President. Naaso, osian ne frɛ wo President a Odzi Kan na n'Apamfo mu ntsi na ma

BOSOM BOSOM PRESIDENT A ODZI KAN NA N'APAMFO AMANDZEEBƆ NO WOBEGYAA.

Iyi beyɛ President a Odzi Kan na n'Apamfo Amandzɛɛbɔ a wotsintsim no bosom bosom no dza odzi ewiei. Ofi bosoom yi rokɔ no, President a Odzi Kan na n'Apamfo bodua Asɔr no ne dawurbo akwan horow do, a Asɔr dawurbo nkrataa nye LDS.org ka ho dze akye amandzɛɛbɔ horow a ho ohia tsitsir.

onye Asor nyehyee se no, President M. Russell Ballard, nyia odzi do wo mpanyindzi mu no, bosom de *quorum* no ne President no ne Ngyina-Ananmu. President a Odzi Kan na n'Apamfo nye Duebien no bobo mu aye edwuma dze ehu Ewuradze Ne pe na wama No ndwuma kronkron no ako kan.

Yeda hom ase wo hom mpaabo ho. Hom abo no wiadze nyina mu ama hen. Dakor anapa bi a, President Monson fii mu ekyir no, mfe-anan banyimba bi a wofre no Benson bo mpaabo a otse dem no bi. Mesere ka ne krataa mu nsem no bi a ne maame kyerewee dze bre mo hokafo Wendy. Benson bo mpa de, "Osor Egya, yeda wo ase de President S. Monson botum ehu no hokafo bio. Yeda wo ase wo hen nkonyenyi fofor ho. Boa no ma onya akokodur na onnkosuro de oye fofor. Boa no ma onyin nya apowmudzen na ahoozen. Boa no ma onya tum osiande owo asofodzi no. Na boa hen ma yenyee dza oye daa."

Meda Nyankopon ase wo mbofra a wotse dem nye awofo a wommfa hon tsenenee pisi nndzi agor, wokyee hon enyi wo baatanye ho—ma baatan biara, kyerekyeranyi, nye asorba biara a wasoa no adzesoa a oye dur naaso osom ope mu ara no. Anaade, m'enyi so hom mu kor biara ahobreadze mu ara.

Ewuradze na Oda ne Tsir.

Ber a yebomu ko kan no, moto nsa fre hom de hom ndwendwen kwan mapã na Ewuradze dua do dze hwe N'Asor do no. Se Asor no ne President fi mu a, nyia odzi do a wobefre no de onsom dem dzibew no nnye esumadze. Wonntow amba biara, obiara mper ho, mbom oye mpanyindzi nyeeananmu nyehyee kronkron a, Ewuradze Noara dze abobo adze no na odzi dwuma dzinn.

Osomafo biara no som dabiara no ye adzesua da na ahoboaboa ama ndaamba asodzii bi. Ogye mfe du mfe du pii mu som ana Osomafo bi efi ahyese asetsena dze ekafir mpanyindzi asetsena wo kontonkron no mu. Dem ber no mu no, onya suahu wo Asor n'afa biara dwumadzi ho. Ber a edwumaye taa dze no ko wiadze aporow no, obo so bohu wiadzamba yie, a hon abakosem, amandze, kasa horow ka ho. Asor no ne baanodzi mpanyindzi nyeeananmu nyehyee no ye soronko. Minnyim biribiara a otse dem. Onnyi de iyi ye hen nwanwa, osiande iyi nye Ewuradze N'Asor. Onnye edwuma wo dasanyi no kwan do.

Masom wo Asomafo Duebien no hon Quorum wo Presidentfo beenum a wabesen ko ase. Mahwe ber a President kor biara nya nyikyere na odzi nyikyere no do. Daa Ewuradze ama No nkonyefo nkyerakyere na nkenyan na Oboko do daa so aye. Ewuradze na Oda ne tsir. Hen a wahye hen asofo de yengye Ne dzin kronkron no ho dase wo wiadze nyina mu no boko do ahwehwe ehu Ne pe na yeedzi do.

Hom Nantsew Ahyemudzi Anamon Kwan no do

Afei, meka kyere Asorba biara de, hom nantsew ahyemudzi anamon kwan no do. Hom pisi de hom beka Agyenkwa no do, ber a hom nye No dzi ahyemu na nkyii hom sie ahyemudzi no, bobuei sunsum mu nhyira na ndzinoa biara a owo ho ma mbanyin, mbaa na mbofra a wowo beebiara no mbobow ama hon.

De yeye President na n'Apamfo afoforfor yinom, yeye de yehye ase a ewiei no da hen adwen do. Onam dem ntsi, yerekasa fi temple mu kyere hom nde. Ewiei no a hen nyina rohwehwe nye de yebanya Ewuradze fie mu tum akyedze, wasow hen ano de ebusua ebusua, yedzi nokwar ama ahyemu a yeaye no temple mu ama yeafata Nyankopon akyedze a oso kyen akyedze biara—oye onnyiewiei akyedze no. Temple ayedze horow na ahyemu a hom dzi no ho no ye adze tsitsir a ohye hom abraho, hom awar na hom ebusua dzen, na oboa ma hom tum a hom dze besiw osesefo no a oko tsia hom no kwan. Temple a hom sor wo mu na hom som ma hom ewuakor wo ho no dze ankorankor nyikyere na asomdwee mbordo behyira hom na wahye hom enyimpi no dzen de hom benantsew ahyemudzi anamon kwan no do.

Sesei, se hom mu binom efi anamon kwan no do a, hom ma memfa m'akoma mu enyidado nyina nto nsa mfre de yesere hom nsan ekyir mbra. Mbre wo dadwen tse biara no, mbre wo haw tse biara no, beebi wo ho ma wo wo Ewuradze N'Asor no mu. Se hom fa kwan sesei san ba ahyemu anamon kwan no do a, wobehyira hom nye ebusuasantsen a wonnyaa nnwoo hon. Hen Egya a owo Sor do Ne mba ara yie, na Ope de hen mu kor biara san ko Ne nkyen wo fie. Iyi nye Jesus Christ N'asor a owo ho ma Nda a Odzi Ekyir Ahotseweefo no botae tsitsir no—de oboboa hen mu kor biara ma dasan ako fie.

Modo hom ko bun mu—odo a oenyin mfe du mfe du a menye hom hyiahyia, nye hom asom, na m'asom hom no.

Hɛn asɛdʒe a ofi sor nye dɛ yɛbɔkɔ aman, ebusuafo, kasa horow, nye nyimpa nyinara hɔ, aboa ma yesiesie wiadze yi ama Ewuradze Ne Mbae a Otsia Ebien no. Yɛdʒe gyedzi wɔ Ewuradze Jesus Christ mu bɛye iyi, a yenyim dɛ Ono nye Okandzifo no. Iyi nye N'edwuma na N'Asɔr. Yɛye N'asomfo.

Mepaa mu kã mosom ma Nyankopɔn hɛn Onnyiewiei Eɣya na Ne Ba Jesus Christ. Minyim Hɔn, modɔ Hɔn, na mobɔ anohoba dɛ medze mo nkwa biara a wɔaka no— bɔsom Hɔn—na hom. Wɔ Jesus Christ ne dzin krɔnkɔn no mu, amen.